



# Sjálfbærnimarkmið Landsbankans

15. febrúar 2024





---

# Sjálfbærnistefna Landsbankans

Sjálfbærnistefna Landsbankans er innleidd í starfsemi allra sviða bankans, skilgreinir helstu áherslur okkar í sjálfbærni og lýsir því hvernig við hyggjumst tileinka okkur þær í starfseminni. Stefnan fjallar um heimsmarkmið Sameinuðu þjóðanna, loftslagsmál, félagslega þætti, stjórnarhætti, UFS-áhættumat, ábyrgar fjárfestingar og ábyrgar lánveitingar.

## Sjálfbærnimarkmið Landsbankans

Til að ná árangri er nauðsynlegt að setja sér markmið, í sjálfbærnimálum eins og öðru. Við setjum okkur krefjandi markmið sem við endurskoðum með reglulegu millibili en markmiðin byggja á sjálfbærnistefnu bankans. Upplýsingagjöf Landsbankans er einnig tengd sjálfbærnimarkmiðunum, en við miðlum upplýsingum um gang mála, bæði með gagnsæi og fræðslu að leiðarljósi. Núverandi markmið eru átta og skiptast í flokkana sjálfbærni, umhverfismál, félagslega þætti og stjórnarhætti.

### 1. Vera upplýst og upplýsa um sjálfbærniáhrif bankans.

Við ætlum okkur að vera leiðandi í upplýsingagjöf á sviði sjálfbærni. Í því felst að:

- Fylgja settum sjálfbæmireglugerðum þegar þær taka gildi með viðeigandi upplýsingagjöf, t.d. SFDR, flokkunarreglugerð Evrópusambandsins (EU Taxonomy) og CSRD
- Bankinn birtir árlega GRI-skýrslu (Global Reporting Initiative).
- Við fjöllum um loftslagsáhrif í Pillar III áhættuskýrslu bankans samkvæmt viðmiðum starfshóps um upplýsingagjöf vegna loftslagsbreytinga (TCFD).
- Við birtum tölur um losun gróðurhúsalofttegunda og þær innihalda losun frá útlánasafni samkvæmt aðferðafræði samtaka um þróun loftslagsbókhalds.

Gera má ráð fyrir því að upplýsingagjöf sem tengist sjálfbærni muni aukast í nágrenni framtíð, t.d. með framtakinu um vísindalega markmiðasetningu (SBTi), inngöngu okkar í samtök um þróun bókhalds fyrir líffræðilegan fjölbreytileika og með endurskoðuðu sjálfbærniuppgjöri, þ.m.t. GRI-skýrslunni og loftslagsbókhaldi, sem hvort tveggja er staðfest (e. reasonably assured) af Deloitte.

### 2. Leggja áherslu á ábyrgar lánveitingar.

Landsbankinn mun mæla hlutfall grænna eigna (e. GAR) líkt og honum ber skylda til og þegar komnar eru marktækar upplýsingar út úr þeim mælingum mun bankinn setja sér markmið um hlutfall ábyrga lánveitinga.

### 3. Ná fram samdrætti í beinni losun gróðurhúsalofttegunda.

Við stefnum að því að losun frá umfangi 1, þ.e. bein losun bankans, lækki um 80% fyrir árið 2025 miðað við árið 2018 og um u.þ.b. 100% árið 2030. Landsbankinn skal viðhalda kolefnishlutleysi samkvæmt mati CarbonNeutral® frá og með árinu 2020.

Frá 1. janúar 2025 mun bankinn ekki kaupa ökutæki sem ganga eingöngu fyrir jarðefnaeldsneyti.

Frá 1. janúar 2027 mun bankinn eingöngu kaupa ökutæki sem ganga fyrir endurnýjanlegum orkugjöfum, t.d. rafmagni.

#### 4. Ná fram samdrætti í óbeinni losun gróðurhúsalofttegunda.


Árið 2022 sóttum við um að verða aðilar að framtaki um vísindalega markmiðasetningu, SBTi.

Árið 2023 setti Landsbankinn sér markmið um samdrátt í óbeinni losun í samræmi við staðal framtaksins fyrir fjármálafyrirtæki og sótti um samþykki. Gert er ráð fyrir að samþykktarferlinu ljúki á fyrsta ársfjórðungi 2024. Aðalmarkmiðið á við um fjármagnaða losun (PCAF) en einnig setjum við markmið um samdrátt í óbeinni losun frá rekstri bankans.

Markmið sem bankinn setti sér í eigin rekstri var að minnka óbeina losun um 50% fyrir árið 2030 miðað við árið 2019.

#### 5. Kynjahlutföll meðal stjórnenda skulu verða innan settra viðmiðunarmarka.

Fyrir 2030 viljum við að kynjahlutföll á efstu stjórnendastigum verði þannig að hvergi halli á eitt kyn umfram 60% og að það hlutfall haldist áfram eftir að því hefur verið náð. Efstu stjórnendastig eru flokkuð í eftirfarandi þrjá hópa: framkvæmdastjórar, forstöðumenn og útibússtjórar og aðrir millistjórnendur.



## 6. Aðgerðir gegn mismunum – miðla skal upplýsingum um EKKO-stefnu.

Við ætlum að gera sýnilegra hvernig við vinnum með EKKO-stefnu bankans, en EKKO stendur fyrir varnir gegn einelti, kynbundinni áreitni, kynferðislegri áreitni og ofbeldi. Sjálfbæriskýrslan okkar mun innihalda upplýsingar um fjölda atvika sem tilkynnt eru til Mannauðs og hlutfall atvika sem mælast í vinnustaðagreiningu bankans.

| EKKO atvik                      | 2023  |
|---------------------------------|-------|
| Fjöldi tilkynninga til mannauðs | 0     |
| Vinnustaðagreining              |       |
| <b>Hlutfall sem varð fyrir:</b> |       |
| Einelti                         | 2,16% |
| Kynferðislegri áreitni          | 0,72% |
| Kynbundinni mismunum            | 1,57% |
| Ofbeldi                         | 0,86% |

Niðurstöður sýna dæmi um að starfsfólk hafi upplifað EKKO-atvik árið 2023. Hluti þeirra atvika voru tilkynnt til Mannauðs og fengu viðeigandi meðferð en fóru ekki í formlegt ferli, í samræmi við óskir þeirra sem tilkynntu.

## 7. Endurskoða skal sjálfbærniupplýsingar.

Allar fjárhags- og sjálfbærniupplýsingar skulu staðfestar eða rýndar af þriðja aðila af þeirri dýpt sem eðlilegt þykir.

### Núverandi staða

- GRI-skýrslan og loftslagsbókhaldið er staðfest af Deloitte með nægjanlegri vissu (e. reasonable assurance).
- PRB-skýrsla bankans um ábyrga bankastarfsemi er staðfest með takmarkaðri vissu (e. limited assurance).
- PCAF-skýrsla bankans er staðfest með takmarkaðri vissu (e. limited assurance).
- Sjálfbær fjármálaumgjörð Landsbankans fær umsögn þriðja aðila.
- Áhrifaskýrsla grænna skuldabréfa fær umsögn þriðja aðila.

## 8. Viðskiptum skal beint til ábyrga birgja

Við stefnum að því að 80% kostnaðar af keyptri þjónustu og vörum verði frá birgjum sem samþykkt hafa siðareglur bankans fyrir birgja fyrir 2025, eða hafa sett sér sambærilegar reglur.

### Núverandi staða:

Siðareglur birgja voru teknar í notkun í lok árs árið 2021 og markmiðinu um hlutfall kostnaðar hjá ábyrgjum birgjum var náð árin 2022 og 2023. Við munum enn vinna í því að beina viðskiptum til ábyrga birgja og stefnum aftur að því að 80% kostnaðar af keyptri þjónustu og vörum verði frá ábyrgum birgjum.

## Heimsmarkmiðin

Við fylgjum fjórum heimsmarkmiðum Sameinuðu þjóðanna um sjálfbæra þróun.



Markmiðin tengjast öll starfsemi bankans og því getur vinna að þeim hámarkað jákvæð áhrif bankans á umhverfi og samfélag. Við fylgjum einnig viðmiðum um ábyrga bankastarfsemi (PRB) sem hjálpa börnum að vinna að heimsmarkmiðum Sameinuðu þjóðanna og Parísarsáttmálanum.